

ص ۱ :

(نيسان ۱۹۱۷)

س ۱ :

دار الفنون اجتماعيات دار المساعبي شرياندره

اجتماعيات مجموعه سى

مدیر :

نجم الدين صادق

دار الفنون اجتماعيات مدرس معاونى

مندرجات :

نظري قسم

مقدمه * * *
اجتماعيات و فكريات ضيا كوك آلب
اجتماعياتده احصائى اصول احمد امين
اجتماعيات نه در نجم الدين صادق

عملى قسم

ملى اجتماعيات : اصول ضيا كوك آلب
فجورك نهى و منشأ لرى اميل دورقاي

استانبول — مطبعة عامره

۱۳۳۳

فجورك نهی و منشألی

مهری : أمیل دورقلم

برعادتني ويا بر مؤسسه ني ، حقوق ويا اخلاقي بر قاعده ني اي آكلامق ايچون ، بوتلرك ممكن اولديني قدر ايلك منشألرينه ياقين چيغمه لي در ؛ زيرا بر مؤسسه نك بوكونكي حالي ايله ، اسكي حالي آراسنده صيقي بر تساند موجود در . شهبه سز ، بو مؤسسه كيت كيده تحوّل ايتديكندن ، مبدأنده تابع بولنديني سييلورده بالذات تحوله اوغرامشدر ؛ فقط بو تحوّلورده منشأ تابعدرلر . اجتماعي حادنه لورده ؛ عضوي حادنه لر كي در . بو حادنه لرك طرز انكشافلري ، آن تولدلر نده كي اوصاف مميزه ايله جبرياً اولدن تعين ايدلييور سده بو اوصاف ، بالآخره انكشافلرينه درين بر تائير اجرا ايتمكدن حالي قالي قالميور .

تدقيقاتمزه موضوع اولان مسئله يده بو اصولي تطبيق ايدم جكز . اكثر جمعيتلرك نيچون فجور (۱) عالیه ني نهی ايتدكلري وحق بونی الك غير اخلاقي عادات آراسنه ادخال ايتدكلري مسئله سي اكثر يا اورته يه آتيلمش فقط بوكا هيچ بر چاره حل بولونه مامشدر . بو عدم موفقيتك - بي بلكدده ، تحرياتك طرز اجرا سندن نشئت ايتمشدر . بو تحرياتده دائما شو مبدأدن حركت ايدلمشدر : بونهي تماماً كرك ماهيت بشريه نك و كرك جمعيتك الحاله هذه قابل مشاهده بر حالتندن ايلري كنيور . ديمك اوليور كه بو ممنوعيتي ايجاب ايتديرن سبب ، كرك فردی و كرك اجتماعي حياتك شرائط حاضره سي آراسنده آرانيليور ؛ حالوكه بو صورتله موضوع بحث اولان بر مسئله يه شايان ممنونيت بر جواب بولمق قابل دكلدر . زيرا فجور حقنده كي نفرتمزي ايضاحه و بحق كوسترمكه الك مستعد اعتقادلرمز و اعتيادلرمز بالذات كنديلرني ايضاح و تحقيق ايدم ميورلر ؛ چونكه تابع بولندقلري سييلر و تطمين

(۱) فجور (inceste) اقربا آراسنده ازدواج ديمكدر .

ایستدکاری احتیاجلر ماضیده در . بناءً علیه بوصورتله حرکت ایده جک یرده ، یکدن بوتکاملک منشأه ، نهی فجورک تاریخنده عرضایتدیکی الک ابتدائی صورته قدر چیقاجغزه بوده، أغز و غامی (خارجدن تزوج) قانونیدر . بوقانونی تعریف وایضاح ایستدیگمز زمان حال حاضرده کی فکرلرمزی وحسیاتمزی ده ائی آکلایه بیلیرز .

۱

أغز و غامی (Exogamie) اوله بر قاعده درکه ، عینی سمیه (قلان) اعضاسی آراسنده جنسیت رابطه لرینی منع ایدر . فقط بوقلان کله سی اکثریا پک غیر صریح بر صورتده استعمال ایدلدیگدن بونی ایضاح لازمدر .

قلان (Clan) دییه ، یکدیگرینی اقربا عدایدن فقط بوقرابتی ، صرف عینی توتهمه منسوب بولونمق کی غایت خصوصی بر علامتدن استخراج ایدن افراد زمیره سیدر . (توتهم) Totem ده جانی ویا جانسز وعمومیت اوزره بر نبات ویا بر مخلوقدرکه زمیره کندیسنی بوندن اینمه طن ایدر وبونی تمثال ومشترك اسم اوله رق استعمال ایدر . اگر توتهم بر قورت ایسه بوتون قلان اعضاسی ، جدلرینک بر قورت اولدیغنه و بناءً علیه کندیبلرنده قورتدن برشی اولدیغنه قاعده لرلر . بونک ایچوندرکه کندیبلرینه ده عینی نامی ویررلر : اولرده برر قورتدر . بوصورتله تعریف اولتان قلان ، عائلوی بر جمعیتدر ، چونکه کندیبلرینی عینی منشأدن ظهور ایتمه فرض ایدن انسانلردن مرکبدر . فقط دیگر عائله لردن ده فرقی شودرکه ، قرابت معین قانداشلق مناسبتلری اوزرینه دکل صرف عینی توتهمه اشتراك حسی اوزرینه مؤسسدر . قلانه منسوب اولانلر اقربادرلر فقط برادر ، پدر ، یکن اولدقلری ایچون دکل ، هپسی عینی حیوان ویا نباتک اسمنی حائز اولدقلری ایچوندر . قلان ؛ عشیرت وکوی کی نوعما لفظی دکل فقط ارضی بر اساسی حائز اولان بوتون زمیره لردن آیریلیر . بوجعیتلر یا هیچ توتهم استعمالنی بیلمزلر ویا اگر بر توتهملری وارسه (که بودها صیق واقعدر) بوتوتهم پس زنده حالنده در وضعیف بررول اوینار . اوزمیره منسوبیت توتهمدن ایلری کلز ؛ فصل که بوکونده فلان ویا فلان اسمه مالکیت بزى یالکز باشنه ، فلان ویا فلان عائله منسوب قیلماز . دیمک اولویور که قلانک صفت میزه سنی توتهم تشکیل ایدر .

بو آكلاشيلدقدن صوكره اغز و غامى عادتى قولايقله آكلاشيلير . مثلاً قورت قلانه منسوب اولان بر آدم نه عيى قلانه منسوب ونهده عيى اسمى حائر ديكر بر قلانه منسوب بر قادينله برلشه من . زيرا عيى بر عشيرته منسوب قلانلرك هپسى دائماً وبالضروره آرى توتهملى حائر ايسهلرده — زيرا آنجق بوصورتله يكديكركندن آريله بيليرلر — مختلف عشيرتلره منسوب قلانلرده حال بويله دكلدر . مثلاً شمالى آمريقا يرليرى عشيرتلرنده ، قورت ، قابلومبغه ، آي ، طاوشان كچى غايت كثيرالاستعمال اسملى حائر قلانلر واردر . هانكى عشيرتدن اولورسه اولسون عيى توتهمه منسوب فردلر آراسنده هر درلو مناسب جنسيه ممنوعدر .

سياحتنامه لرك بر چوغنه نظراً بو ممنوعيت عموميت اوزره هر درلو مناسب جنسيه يه شاملدر . فقط بعض مشاهدلره كوره بعض جمعيتلرده يالكز منتظم ازدواجلر بوقاعده يه تابعدر . سربست مناسبلرده بونى نظردقته آليورلر مش . بو حال ، (قوناندابورى) لرده پور لينقون Port-Lincoln عشيرتنده ، (باموراي) و آشاغى دارلنيج اهالي سنده جارى ايمش . فقط بو شهادتلر استثنا تشكيل ايتدكدن ماعدا ، مسئله ده حدذاتنده حائر اهميت دكلدر . بر زمانلر ، اغز و غامى قانونك ، ازدواج ايله بالاخره زنا تعبير ايديلن شى آراسنده بر فرق كوزه تمش اولديغى فرض ايتسه ك بيله ، بو فرق ايتدارى قابل دكلدر ؛ چونكه منتظم بر مناسب ايله ، سربست بر ارتباطى بر برندن تفريق ايدمكك بر معيار يوقدى . آووسترالياى وحشيلر ، هر صورتله : صاتون آلهرق ، مبادل ايدمكك ، جبر ايله ، قالديرمه ايله الخ زوجه آلير . هر درلو واسطه اى و مشروعدر . اوحالده مشروع وغير مشروع بر زوجه آراسنده نه فرق اوله بيلير ؟ ازدواج موجود اوله بيلمك ايجون قادين ايله ار ككك مناسبى معين بعضى شرائطه تابع اولمى وزنا بو شرائطدن آزاده اولمى در . بناءً عليه اغز و غامى قاعده سى نه دن هر درلو مناسبات جنسيه يه تطبيق ايدلمسين ؟ اساساً مترقى ملتدره بيله ، يهوديه قطعه سنده ، روماده فجورك نهى قطعى وبلاقيدر . بناءً عليه عادى جمعيتلركده بوكچى فرقلرى و مسامحه لى قبول ايتمش اولمى پك آز محتملدر . زيرا اجتماعى تكاملك بوصفحه سنده دركه فجور اك زياده شدتله منع ايدلمشدر . نهايت اولسه اولسه ، فجور فرعى و آنى تصادفلر ائناسنده وقوع بولدينى زمان بر مرتبه مساعده كار داور ايتمش اولمى وارد خاطر اوله بيلير . بو ممنوعيته عدم رعايت پك شدتله توبيخ اولتور .

آووسٹرالیادہ و آمریقادہ اکثریا اعدام جزاسی در . مع مافیہ مجرملرک باشقہ صورتلہ تجزیہ ایدلکری دہ واقع در . (ناتاهی) لردہ جنوبی غالباندای جدید) ارکک اولدیریلور ، قادین سادہ جہ دوکیلور ویا براوق ایلہ یارالانیر . (ویقتوریا) عشیرتلرنده عینی قلانہ منسوب آدملر آراسنده الک اوافق برزندوستلق غایت شدتله تأدیب اولنور: قادین اقرباسی طرفندن ضرب اولنور؛ ارکک رئیسہ تسلیم ایدیلہرک شدتله توبیخ اولنور؛ اگر حرکاتندہ اصرار ایدر وسودیکی قادینلہ فرار ایدرسہ قافاسنک دریلری دیری دیری یوزولور . باشقہ یرلردہ بوخصوصہ صوری برجزا ویریلور؛ فقط اوزمان عمومی وغیرقابل مناقشہ براعتقادہ کوردہ مجرملر طبیعہ یعنی الہلر طرفندن تجزیہ اولنور . مثلاً (ناواجوس) لردہ ، بویلہ برحرکتہ اجتسارایدنلرک کیمیکری قورودینی وموتہ محکوم اولدقلری اعتقادی واردہ . حالبوکہ بر وحشی ایچون بویلہ برتہدید ، بوش برلاقیردیدن عبارت دکلدر ؛ بو ، اویلہ بر محکومیتہ معادلدرک تاثیرلری بشری حاکملرک حکمنندن دہا لایتزلدر . زیرا ابتدائی فکرلہ کوردہ کائناتہ موجود قورقونج قوتلر ، طبقی فیزیق قوتلری کبی ، کندیلرینہ قارشلی کلن ہرشیئہ میخانیککی بر ضرورتلہ عکس العملدہ بولنورلر . بوقوتلری تذلیل ایدن بر فعل جزاسز قلامن جزادن قورتولنہ میہ جنی حقندہ کی اعتقاد او قدر قطعی ومطلق درکہ ، اکثریا یاییلان قباحک یا لکزر فکری ، مجرمدہ عضوی تشوشانہ وحقی موتہ سیبیت ویرمکہ کافی کلور . بوصورتلہ ، جمیعک ، دوغریدن دغری یہ تأدیب ایتہدیککی جنایتلر دائما الک خفیف جنایتلر دکلدر . بالعکس بولنر آراسندہ اویلہلری واردرکہ جمیعت اولنلرک تأدیبینی طبیعی نتیجہ لرینہ ترک ایدر چونکہ مستتنا بروخامتی حازدرلر وبوندن دولایی دہ کفارتی بالذات ومیخانیککی بر صورتدہ وقوع بولمیدر . اغز وغامی قانوننک اخلاقی بواحوالنددر ؛ اوزمان بوندن دہا شایان نفرت جنایت پک آزدر .

بالادہ کی سطرلردہ اغز وغامی بی بسیط صورتی تحتندہ تعریف ایتدک؛ فقط بوقانونک دہا مغلق کیفیتلری واردر . فجورک نہی اکثریا یا لکزر برقلانی دکل ، برچوق قلانلری شاملدر . مثلاً شمالی آمریقادہ تیلینکیتس Tlinkits عشیرتی ، صراحتہ بربرندن آری ایکی زمردیہ آیریلان اون قلانی محتوی در :

برنجي زمره	ايڪنجي زمره
آبي ڦلاني	ڦوربغه ڦلاني
» ڦارتال	» ڦاز
» يونس بالئي	» بحري آرسلان
» ڪوپڪ بالئي	» بايقوش
» يوصون	» سازان

برنجي زمره نڪ اعزاسي آنجق ايڪنجي زمره دن زوجه آله بيلير و ايڪنجي زمره نڪ ارڪڪلري آنجق برنجي زمره دن اولهه بيلير. يالڪز برقلان داخلنده دكل فقط برزمره به منسوب ڦلانيلر آراسنده بيله مناسبات زوجه ممنوعدر. (شوقناس) لرده ده عيني تشڪيلات موجوددر، وقيله (ايروڦووا) لرده ده موجودايدى. آووستراياده هان هان عمومي در. هر عشيرت ايڪي شعبه به منقسمدر. هر شعبه نڪ آري اسمي وارددر. (قاميلارووا) لرده بوشعه لردن برينڪ اسمي ڦوپاتين، ديڪري ديلبي در. (ڪووه نسلاند) ده (ڪيابارا) عشيرتنده اسملر هان هان عيني در. (بووانديڪ) لرده [جنوبي اووستراياده] ڦروڪيس (قوميت) در. (ووتجا باللوق) لرده [ويقتوريا] ڦره ڪيچ و غاموچدر. الخ.

بوشعه لردن هر برى برطاقم ڦلانيله منقسمدر و برشعبه به منسوب بوتون ڦلانيلر آراسنده مناسبات زوجه ممنوعدر. دهادو غريسي ممنوعيت ابتداده برقاعده حڪمنده ايدى؛ بوكون بعضي يرلرده ياواش ياواش ڪوشيور، فقط ينه صيق صيق تصادف اولنور. و بوسبوتون زائل اولديني يرلرده بيله غنغله ر بونڪ خاطره سنى محافظه ايدىيور.

أغر و غامى قانوننڪ بوشمولى ساده جه ڦلانيك انڪشافندن ايلري ڪليور. فى الحقيقه برقلان بر درجه دن فضله تزايديدسه، اهاليلى عيني ساحه به صيفامن؛ وبالجبوريه اطرافه مستملڪلر نشر ايدر؛ بوڦولونيلر منشألى اولان زمره نڪ عيني اقامت محلى اشغال ايتمه دگلري وعيني منفعتلري حائر اولدڦلري ايچون صرف ڪنديلرينه عائد برتوتهم انتخاب ايدرلر ويڪي يڪي ڦلانيلر تشڪيل ايدرلر. مع مافيه، اسكى مشترك حياتك بوتون خاطره لري بردن بره سيلنه مز. بوتون بوخصوصى ڦلانيلر پڪ چوق زمان ايلك تساندرلينك حسباتى حفظ ايدرلر. عيني برقلانيك جزء لردن عبارت اولدڦلرينى بيليرلر. و بناء عليه

آرالرندہ ہر درلواز دواج، آیرلدقلری زمان اولکی کبی شایان نفرت کورولور۔ یالکز ماضی اونوتولمغه باشلادیفی زمان بونفرت تناقص ایدر ویکیدن اغز و غامی یالکز ہر قلانک حدودی داخندہ قالیر۔ ایروقوالی (سہنہقا) لک مثالی کوسترییور کہ منشای وحدت حسی، تأثیرلری کوسترمک ایچون اولدقجہ برشدت محافطہ ایتش اولمیلیدی۔ عشیرتک متشکل بولوندیفی سکز قلان، مختلف ایکی زمرہ یہ آیرلمشدی ویک اعلا بیلورلردی کہ، اولجہ ازدواج ہر زمرہ مک قلانلری آراسندہ ممنوع ایدی۔ فقط بو حس، تاریخی برخطرہ دن عبارت ایدی وقلبلردہ برعکس بولہ میوردی؛ بونک ایچون قلانلر آراسندہ ازدواجلرہ مساعدہ ایدیلوردی۔

بوصورتلہ، دہا واسع اولان بو اغز و غامی، ماہیت اعتباریلہ اولجہ تدقیق ایتدیکمزدن فرقی دکلدرد؛ عینی مبدأ اوزرینہ ابتا ایدر۔ قلانہ متعلق فکرلہ تابعد۔ یالکز قلان تسمیہ اولنان جمیتلر آراسندہ برفرق کوزہ تمک لازمدر۔ بونلر ایکی نوعدر: ابتدائی قلان وتالی قلانلر۔ تالی قلانلر، ابتدائی قلانک پارچہلری اولوب اوندن قوپوب آیرلمشدر۔ فقط اوصورتلہ کہ، بویکی تشکل ایدن پارچہلر آراسندہ ہر درلو رابطہلر منکسر اولما مشدر ابتدائی قلان دیبہ، منقسم اولمہ دن اولکی قلانک حالہ ویا، بو پارچہلر تشکل ایتدکدن سوکرہ بونلرک کومہ سنہ دینلیور۔ بو ابتدائی قلانہ فراتری (قبیلہ) نامی دہ ویریلیور، چونکہ یونانلیلرک فراتریسی γένی ایلہ عینی مناسبتی حائز بولئیوردی۔ بوفراتری تعبیری قوللانمقدہ ہیچ بر محذور یوقدر، آنجق بوصورتلہ تسمیہ اولنان اجتماعی انموزجک ماہیت اعتباریلہ اصل قلانہ مشابہ اولدیغنی خاطر دن چیقارمہ ملیدر۔

اغز و غامی قانونہ تابع عینی بر زمرہ داخندہ طوپلانان قلانلرک بومنشای حائز اولدقلری بر جوق وقایع اثبات ایدیور۔ اول امردہ ہر پردہ برعغنے حکمنہ کیرمشدر کہ، بونلر آراسندہ خصوص قرابت رابطہلری موجوددر، بر زمرہ داخندہ کیلر بربرلری برادر عد ایدرلر۔ حالبوکہ دیگر فراتری یہ منسوب اولانلرہ، عجمہ زادہ دیرلرہ ثانیاً؛ بعضاً فراتری نک دہ قلان کبی کندیسنہ مخصوص برتوتہ می وارد؛ بودہ، برقلان اولدیغنے ویا اولجہ بر قلان اولمش بولدیغنے علامتدر۔ نہایت، بعضی احوالہ، قطعوی قلانلرک توتہ می، شہسز فراتری توتہ مندن مشتقد؛ بودہ اثبات ایدر کہ بویکی زمرہ آراسندہ عینی اشتقاق نسبتی موجوددر۔ مثلاً تلینکیٹ لک ایکی فراتریسی وارد۔ برنجی فراتری نک

توتەمى سىياھ قارغەدر . بو فراترى نك مركب بولوندىنى خصوصى قلانلر سىياھ قارغە ، قوربە ، قاز الحدر . ايكنجى فراترى نك مشترك توتەمى قورتدر؛ محتوى اولدىنى قلانلر ك اسملىرىدە، قورت، آي قارتال الحدر . يعنى هر فراترى نك ايلك قلانى، بوتون فراترى نك توتەمنك عىنى حازدر . ديمك اولويور كە بو ايلك قلان ، ديكىر بوتون قلانلر ك نشأت ايتدىكى ابتدائى قلاندر . بواسمى دە بالطبع توليد ايتدىكى دها مغلق زمردە نك دە اسمى اولمشدر . بو طرز تسلسل ، (موهه غان) لردە دها بارز بر صورتدە كورليور . بو عشيرت ك اوچ فراترىسى واردر : بر فراترى نك توتەمى قابلومبغەدر بو فراترى نك تالى قلانلىرى : كوچك قابلومبغە ، باتاقلق قابلومبغەسى ، بيوك قابلومبغەدر . بوتون بوتوتەملر ، بوتون فراترى توتەمنك خصوص صورتلرىدر . (توسقارو راس) لردەدە بوكا مشابە احوالە تصادف اولتور .

بو قطعەلشمە طرزى بر دفعە بيلندكدن سوكرە اغز و غامى قانوننك ظاهرده غريب كورون تحولاتى قولايقلە ايضاح اولتور . بو قانوننك ك غريب بر تحولى غريب اووستراليادە يكي نورسيا اهاالىسنده كوروليور . بو عشيرت ايكي ابتدائى قلانن مركبدر كە بو ابتدائى قلانلردن هربرى اوچ تالى قلانە آيرلمشدر .

ايكنجى ابتدائى قلان

نوا اوغ نوق
ژيراژيوق
پالاروب

برنجى ابتدائى قلان

موندوروب
تيراروب
قوندوروب

تالى قلانلر

هيچ بر كيمسە قلانى داخلندە ازدواج ايدەمز؛ فقط فضله اوله رق، تيراروب قلاننە منسوب بر كيمسە ، نه موندوروب ونەدە توندوروب دن قادين آلاماز . حالبو كە موندوروب ايله توندوروب عىنى فراترى يە منسوب اولقلە برابر آرالرنده ازدواج جائزدر .

عىنى صورتلە ژيراژيوق ايله نوا اوغ نوق و پالاروب آراسنده هر درلو مناسبات زوجيت ممنوعدر . فقط نوا اوغ نوق ايله پالاروب آراسنده ممنوع دكلدر . غايت كينى كورونن بونظامك سببى غايت بسيطدر . منشأدە ايكي قلان وارمش : موندوروب و نوا اوغ نوق . موندوروب قلانندن اولامرده تيراروب قلانى چيقمش . سوكرە آزجوق اوزون بر

زمان یکدکده (تیراروب) دن ده قوندوروب تولد ایتش . بوصورتله (تیراروب) ، دیگر هرایکی قلان ایله ده صیقی قرابت رابطه لری محافظه ایتش ، چونکه برندن ظهور ایتش ودیکرینی تولید ایله مش . بوندن دولایی بوقلان ایله دیگر هرایکی قلان آرسنده کی مناسبات منع ایدلش . فقط (موندوروب) ایله (قوندوروب) آراسنده بالعکس بلا واسطه هیچ بر مناسبت تشعب موجود اولدیغندن یکدیگرینه قارشی یابانجی اولمشلر ، ومنوعیت اولمه مش . دیگر فراتری به منسوب قلانلر آراسنده کی وضعیت ده بوصورتله ایضاح اولتور .

۲

دیمک اولوبورکه اغزوغامی قلان ایله متسانددر . بوتساند اوقدر صیقی درکه ، متقابلدر : هیچ برقلان بیلمورزکه ، بالاده کی تعریفه توافقی ایتسین ده ، اغزوغام اولماسین . اغزوغامی نک نه قدر عمومی برشی اولدینی ده درحال آکلاشیلور ؛ چونکه قلان تشکیلاتنک نه قدر عمومی اولدینی معلومدر . بوتون جمعیتلر ، یا بالذات قلان تشکیلاتندن کچمشدر ویاخود ابتداری بوتشکیلاتدن کچمش باشقه جمعیتلردن تولد ایتشدر . بعضی مؤلفلر ، قلانلردن متشکل بعضی اووسرالیبا عشیرتلرینی (آندوغام) (داخلدن ازدواج ایده بیلیر) عد ایدیورلر ؛ فقط بوتلی ، اصل توتهمدن ایلری کلن اجتماعلرله - که اصل قلان بونلردر - بونلره انضمام ایدن اراضی اجتماعلرینی فرق ایتهمکدن ایلری کلیور . بر جمعیتک ایکی نوع تشکیلاتی اولدینی اکثری اواقعدره توتهم مناسبتله وحدتی حائز اولان جزئی زمره لردن ماعداء برطاقم زمره لری ده حائزدرکه بونلر اقامت محلنک مشترک اولسی اساسنه مستنددر وتوتهم وحدتیه هیچ مناسبتلری یوقدر . بونوعدن ملکی بر تقسیم یا مختلف قلانلری ویا مختلف قلانلر قطعلرینی محتوی اوله بیلیر . بویه بر محله اقامت ایدنلر اغزوغامی قانوننه اطاعت ایچون بو اراضیدن خارجه چیقمغه محتاج دکلدلر . چونکه اوراده ازدواج ایده جک قادیسلر بوله بیلیر ؛ چونکه بوقادینلر مختلف قلانلردن اولوب کندی قلانلرینه عائد دکلدلر . یعنی موضع آندوغام در ، فقط بو خصوصیتی ، اغزوغام قلانلری محتوی اولمسندن ایلری کلیور .

دیگر طرفدن ، شبهه سزدرکه ، قلان بوکونکی هائله دن فرقی اولمغه برابر ، ینه

عائلى بىر جمعيت تشكىل ايدەر . قىلانى تىركىب ايدىن اعضا ، يكدىكرىنى عىنى جده منسوب فرض ايتىمككده قالىهرق يكدىكرىنه قارشى اولان مناسبتلىرى ، هر زمان قىراتى تىمىز ايدىن مناسبتلىك عىنى در . بر مثال ذىكر ايدىم : برچوق عصرلردى بىرى (وانده تا) الك برنجى برعائله وظيفهسى ايدى . بو وظيفهنى ايفا خصوصى سنده اقربانك صيراسى ، قربانك ايجاب ايتىردىكى صيراي ايدى . مبدأده بو وظيفه قىلانه عائددى . حتى دىنبه بىلىركه آشاغى جمعيتلرده قىلاندىن نشأت ايدىن رابطهلر ، دىكر بوتون رابطهلردى قوتلى در .

كونوو (Cunow) دىيوركه اكر بر آدمك بىرى نفوتاق Ngotak قىلاندىن ، دىكرى (ناغارنوق) قىلاندىن (جنوب غربى آوستراليا عشىرتلرنده استعمال اولتان توتومهله) ايكى قارىسى اولورسه وهر بر قارىسىدىن برچوجونى اولورسه ، تسلسل عائله لام اولديغىدىن چوجقلردى بىرى اناسى كى نفوتاق ، دىكرى ناغارنون اولور . كوچوك نفوتاق ، باشقه بر محله بولتان بر نفوتاغه ، كندى نصف برادرى اولان و برآزاده بو بودكلرى ناغارنوقدىن دها ياقىن اقربادر ؛ حالبوكه نفوتاق قىلاندىن بركىمه يه اولسه نادراً وقوع بولان دىنى آينلردى بىرئده تصادف ايدى بىلىر . بىناء عليه فخور ، مادامكه منى بر درجه ده اقربا اولان فردلر آراسىنده مناسبت زوجىدىن عبارتدر ، اغز و غامىنى فخورك نى عد ايتىمكده حقلى يز .

حتى ، بونى تاريخده ايلك دفعه اولهرق بو صورت تىخنده ظهور ايتىشدر . فى الحقيقه فخور بوتون آشاغى جمعيتلرده عمومى و بو جمعيتلر نه قدر ابتدائى اولورسه او قدر شىدتلى اولقله قالىور ، بو كى ممنوعيتلىر توليد ايدىمك باشقه هانكى قاعدهلر موجود اوله بىله جكى آكلاشلىيور . زىرا فخورك منى ايجون جمعيت طرفىدىن طائىش و تشكىل ايدىش عائلى مناسبتلر لازمدر . جمعيت ، اقربا آراسىنده مناسباتى منع ايجون بو قرابتة اجتماعى بر صفت عطف ايتىش اوليدىر : عكس تقديرده بو خصوصه علاقه سز كورونور . حالبوكه قىلان اجتماعى تشكىل ايتىش ايلك نوع عائله در . شىبه سز اووستراليا قىلانلىر ايجنده آرتق دها محدود ، برارك ايله ، بركده ياشا دىنى قاديىلردى و صغىر چوجقلردىن مركب عائله لرده موجوددر . فقط بونلر خصوصى زمرة لرا اولوب ، افراد طرفىدىن كىفه كوره ياپىلوب بوزولور بونلر معىن هىچ بر قاعده يه تابع دكلدرلر . بونلر تشكىلاتىنده جمعيت مداخله ايتىز . بونلر قىلانه قارشى اولان وضعيتلىرى ، بوكون احداث ايدىمك بىله جكمز احبا جمعيتلر بىله ،

غیر مشروع عائله لک مشروع عائله لرمز قارشیدندہ کی وضعیتیں عینی در . اساساً قلان قرابتک ہر درلو قانداشلق مناسباندن نہ قدر یوکسک اولدیفنی کوردک . جمعیتک اجرا ایله مکلف اولدیفنی بکانہ عائلو وظائفی تأسیس ایدن بو قرابتدر ؛ اجتماعی برامیتی حائر اولان یالکز بو وظیفہ لردر .

اگر ابتدائی اصل قرابت ، قلان قرابتی ابدی ایسہ ، فجوری نہی وتادیب ایدن ایلک قاعدہ لری تولید ایدن دہ ، ہر احتمالہ کورہ بو قرابتدر . دیگر بعض مناسبتلرک دہ بوتأثری اجرا ایتمی ، اولکی مناسبتلرہ مشابہ اولمندن ایلری کلہ بیلیر .

مع مافیہ یک منحصرآ جدلی اولان بومطالعات ایله اکتفا ایدہ میز . حقیقت حالہ ، معلوم اولان اک ابتدائی جمعیتلر آراسندہ بیلہ یک آزی واردر کہ ، أغزو غامی بی تمیز ایدن ممنوعیتلر یانندہ بکنظر دہ باشقہ برنوعدن کی کورون باشقہ ممنوعیتلر کورولہ سین ، بناءً علیہ حقیقہً باشقہ برمنشادن اولوب اولدق قریخی آکلامق اوزرہ بونلری دہ تدقیق ایتمک ایجاب ایدر .

بونلر آراسندہ اک مهملری ، آنو غرافیادہ صنوف اصولی دینلن شیدن حاصل اولان ممنوعیتلردر .

اووسترالیانک بر جوق عشیرت لرنندہ ، جنسی مناسبتلرہ اجرای تأثیر ایدن یالکز ابتدائی قلان وقالی قلان تقسیماتی دکدر . فضلہ اولہ رق ہر قلان ، خصوصی براسم ایله ذکر اولنان ایکی صنفہ آیرلشددر . بواسطہ عینی فراتری بہ منسوب بوتون قلانلردہ بردر ؛ فقط بر فراتری دن دیگر فراتری بہ دہ کیشیر . اووسترالیادہ قاعدہ اولدیفنی اوزرہ ایکی فراتری بی حاوی بر عشیرتدہ ، آری آری اسملری حاوی ہپی درت صنف موجوددر . مثلاً (قامپلا رووا) لردہ کی بوتشکیلات شویہ ایدی :

تالی قلانلر		صنفلر		
		ارککار	قادیلرہ	
برنجی فراتری (دیلی)	اوپو سوم	موری } قوبی }	—	ماتا
	قونفورو	موری } قوبی }	—	کوبوتا
	کرتنگلہ	موری } قوبی }	—	ماتا
			—	کوبوتا

صنفلر		تالی ٲلانلر	
قادینلر	ارککلر		
بوتا	—	قومبو	} امو } بانديقو } قاره بیلان
ایپانا	—	ایپه	
بوتا	—	ومبو	
ایپانا	—	ایپه	
بوتا	—	قومبو	
ایپانا	—	ایپه	

ایکنجی فراتری
(قوباتین)

اغزو غامی قاعده لرینه کوره برنجی فراتری به منسوب هر هانکی برارکک ایکنجی فراتری به منسوب ، امو اولسون بانديقو ویا قاره بیلان اولسون ، برقادین ایله ازدواج ایده بیلیر . فقط صنف تقسیماتی یکی بر طاقم تقیدات حصوله کتیریور . دبلی فراترینه منسوب بر صنف اعضاسی ، دیگر قوباتین فراترینه منسوب ایکی صنف اعضاسی ایله ازدواج ایده منزلر . یالکز بر صنفه منسوب اولانلرله ازدواج ایدرلر . مثلاً بر (موری) ایستر اوپوسوم اولسون ، ایستر قانغورو ویا کرتنگله اولسون ، آنجق بر (بوتا) ایله ، وبر (ماتا) آنجق بر (قومبو) ایله ازدواج ایده بیلیر . عینی صورتله بر (قوبی) ، هر هانکی توتومه منسوب اولورسه اولسون آنجق بر (ایپانا) ایله ، وبر (کوباته) آنجق بر (ایپه) ایله برلشه بیلیر . فقط بر (موری) ایله بر (ایپانا) نک ویا بر (ایپه) ایله بر (ماتا) نک ویا بر (قوبی) ایله (بوتا) نک ، بر (کوبوتا) ایله بر (قومبو) نک ازدواجی بر قلانه منسوب ایکی کشی آراسنده کی ازدواج قدر شایان نفرت کورولور . وظن ایدیدیلیر که قلان اغزو غامیسنه انضمام ایدن و ازدواج ساحه سنی دها زیاده تحدید ایدن یکی بر اغزو غامی دها میدانه چیقیور .

فقط بو نظامک معنا و اهمیت آکلاشلق ایچون بو صنفلرک نصل تشکل ایتدیکنی بیلیمک لازمدر . بو صنفلردن هر بری باشقه بر قلان بطلته تطابق ایدهر . معلومدر که هر قلان ، هر فراتری ده اولدینی کی صرف یا لام تسلسل ویا لاب تسلسل طریقله طوبلانیر . چوجوق یا پدرینک زمره سندن ویا والده سنک زمره سندن صاییلیر . فقط اصلاً ایکی سنک ده زمره سندن عد اولونماز . اگر ، اکثر احوالده اولدینی کی ، تسلسل لام اولورسه بالتیجه چوجوق ده مادری قلانه تابع بولنورسه بوقلان اهالیسنک متقسم بولوندینی ایکی صنفدن ، چوجوغک مربوط اولدینی صنف والده سنک منسوب اولسادینی صفدر . اگر والده بر (بوتا)

اولورسہ، اوغلان چوجوقلری (ایپہ) وقیزچوجوقلری (ایپاتا) اولور۔ والدہ (ایپاتا) اولورسہ چوجوقلری دہ، جنسیرینہ کورہ یا (قوبو) و یا (بوتا) اولور۔ بناءً علیہ ہر بطن اولکی بطنک منسوب اولدیغنی صنفدن غیری صنفہ منسوب اولور و ہر قلاندہ یالکز ایکی صنف موجود اولدیغندن بونلر منتظماً تناوب ایدرلر۔ بیاناتمزی سادہ لشدیرمک ایچون، فرض ایدہلم کہ برزمان، بوتون (امو) قلانی یالکز قومبو۔ بوتالری حاوی بولونمش اولسون؛ کلہ جک بطنده هیچ بر صنف موجود اولماز۔ فی الحقیقہ (قومبو) نک نسللری دیگر (فراتری) دہ در۔ چونکہ والدہ لری اوفراتری یہ منسوبدر؛ (بوتا) نک چوجوقلری (ایپہ) و (ایپاتا) در۔ فقط اوچنجی بطنده (ایپہ) و (ایپاتا) لردہ زائل اولور؛ زیرا نسللری دیگر صنفہ منسوبدر، یعنی قومبو۔ بوتا صنفی تکرار میدانہ چیقار و دردنجی بطنده ینہ اورتادن قالقار والی نہایہ بویلہ دوام ایدر۔ آئیدہ کی نابلو، قلانک ہر بطنده نہ حالہ کیردیکنی محسوس بر صورتدہ کوستریر:

قوباتین فراتریسنہ منسوب قلان	دیلبی فراتریسنہ منسوب قلان
قومبو بوتا	برنجی مورری ماتا
ایپہ ایپاتا	ایکنجی قوبی کو بوتا
(برنجی بطندن بوتالرک چوجوقلری)	(برنجی بطندن (ماتا) لرک چوجوقلری)
قومبو بوتا	اوچنجی: مورری ماتا
(ایکنجی بطندن ایپاتالرک چوجوقلری)	(ایکنجی بطندن کو بوتالرک چوجوقلری)
ایپہ ایپاتا	دردنجی: قوبی کو بوتا
(اوچنجی بطندن بوتالرک چوجوقلری)	(اوچنجی بطندن ماتالرک چوجوقلری)

بوتشکیلاتہ یالکز قامیلارہ والردہ تصادف ایدلر؛ قطعی صورتدہ عمومی اولمہ مقلہ برابر، پک زیادہ منتشر در۔ برعشیرتدن دیکرینہ یالکز اسملر دہ کیشیور۔ مثلاً (قوغای) لردہ درت صنفک اسملری: برنجی فراتریدہ: اورژیللا Urgilla، اونبورری Unburri ایکنجی فراتری دہ اوبور Obur و وونغو Wungo در۔

بر اونبورری آنجیق بر وونغو ایلہ ازدواج ایدہر؛ چوجوقلر اوبور Obur در۔
بر اوبور آنجیق اورژیللا ایلہ ازدواج ایدر؛ چوجوقلر اونبورری در۔
بر وونغو آنجیق اونبورری آلہ بیلیر؛ چوجوقلر اورژیللا در۔

[مابعدی وار]